

秋日宴山亭序

王勃

昔王子敬瑯琊之名士常懷習氏之園阮嗣宗陳留之俊人直
至山陽之坐豈非琴樽遠契必兆朕於佳辰風月高情每流連
於勝地是以東山可望林泉生謝客之文南國多才江山助屈
平之氣况乎楊子雲之故地巖壑依然宓子賤之芳猷絃歌在
屬紅蘭翠菊俯映砂亭黛栢蒼松深環玉砌參差夕樹煙侵橘
柚之園的歷秋荷月照芙蓉之水旣而星迴漢轉露下風高銀
燭掩花瑤觴抒興一時仙馭方深擯俗之懷五際飛文纔動綠
情之作人分一字四韻成篇

道藏輯要

天下名山記
四川秋日宴王

畢

軒集六